

Goibekokale

ELGETA / Barikua / 2002ko irailaren 27a / 111. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Bi biztanleko auto bat edukitzeaz gain, 9.110 ibilgailu pasatzen dira egunero

OXEL EROSTARBE

Diputazioak argitaratu berri du Gipuzkoako errepideetako zirkulazio neurketen informazioa batzen duen liburua. Neurketa horiek adierazten dutenez, 9.110 ibilgailu pasatzen dira egunero gure herritik. Biztanleria baino hamar bider gehiago.

Eibar, Arrasate, Elorrio eta Bergararako errepideetan Diputazioak jarri zituen zirkulazio neurgailuek eman dituzten emaitzak badakizkigu dagoeneko. Iaz, 42 egunean izan ziren zirkulazio neurgailuak Elgetako errepideetan. Bi hilean behin, astebete osan jartzen zituzten.

Neurgailuek emandako emaitzak oso adierazgarriak dira. 974 lagun bizi garen herrian 9.110 ibilgailu pasatzen dira egunero. Ibilgailu gehien pasatzen den gunea Elorriorako irteera da. Neurketen arabera, 3.165 ibilgailuk zeharkatzen dute gune hori egunero. Eibarrerako irteeran ere ibilgailu ugari ibiltzen da egunero, 2.458. Bergararako irteeratik, 2.255 eta Arrasaterakotik, 1.232. Ibilgailu gehien pasatzen



Elgetatik pasatzen den ibilgailu kopurua jakinda, herrian zirkulazio arazoak egotea normala dela esan dezakegu.

den errepidea Bergara eta Elorrio artekoa da. Herriko plaza aurrean zirkulazioagatik dagoen arriskua nabarmena dela argi uzten dute datuek.

974 ELGETARRENDAKO 479 AUTO

Denera, 571 ibilgailu daude herrian, biztanleen erdia baino gehiago. Aipatu beharrekoa da bi biztanleko auto bat dugula. Aurre-

ko urteotan Elgetatik pasatzen den ibilgailu kopurua igo den bezala, Elgetan dauden ibilgailuak ere gehituz joan dira. Une honetan, 41 kamioi, 9 erremolke,

8 traktore eta 34 moto eta motozikleta ditugu herrian.

Elgetako biztanleria kontuan hartuta askotxo direla esatea ez da txorakeria.

Pasatzen diren ibilgailuak

LEKUA	1994	2002
Eibarko sarrera	1.757	2.458
Arrasateko sarrera	862	1.232
Elorrioko sarrera	1.700	3.165
Bergararako sarrera	2.138	2.255
DENERA	6.457	9.110

Elgetan dauden ibilgailuak

IBILGAILU MOTA	KOPURUA
Autoak	479
Motoak eta motozikletak	34
Kamioiak	41
Erremolkeak	9
Traktoreak	8

HERRITARRENHITZA/ Ana Gillegi • Kazetaria

Bildurgarrixak eta kaltegarrixak

Hi, esan jostak honek...”, “hi, ba nik entzun donat...”. Bide baztarran, tabernan, kalia... zurrumurrutan aritzen diranian albotik pasatziak bildurra emoten dau.

Hortan jarduten dabenez, ez dakixe ondo, zenbat kalte egiitten daben. Gaiñera, erabiltzen daben tonuan arabera, edozeinek esango leuke ziharo arduratuta darella bestien gaitzen edo zoritzarrikin. Baiña urrindik bez; asmo bakarra morbuia eta gizurak barreiatzia besteik ez da. Inon arazozuez arduratzen danak, pertsoningana jotzen dau

zuzenian eta ez da azera batetik bestera saltoka aritzen, honi eta hari esaka.

Ez dakixe ondo zenbat kalte sortzen daben. Asko aspertu bihar da pertsonia historixak asmatzen, inun ez daren tragediak sortzen eta gaiñera gorritxu barik egitteko; ordubeteko irtenaldixan 10 pertsona kutsatzen dabe asmakizunekin. Eguneroko jana baiño inportantiaua da hemen



“Etxe pare bat hankaz gora ipini eta gero digestiñua trankil egitten dabe”

“afiziñuan” jardutia. Baiña hori bai, kristonak eta bi esan eta gero, “etxon ba merezi holakoik”, “eztao deretxoik”, “nahikua jakan horrek be” eta bapatian beste bide baztar batera jotzen dabe hurrenguai kontatzerara. Eta etxe pare bat hankaz gora ipini eta gero, digestiñua trankil eitten dabe! Meritua dauke.

Gaiñera ez imaginatu emakumeik diranik bakarrik

hortan aritzen diranak, gizonak be pare-parian dare eta.

Herritarren osasunartzat ez da bat be ona aspertuta dagon jendia izatia inguruan, gaixotasunak, desgraziak... sortzen dittue hitzetik-hortzera, gaur zure etxian eta bihar albokuan. Susto galanta euki dabenik be ezagutzen dot, ahua sueto xamar ibilli dabelako. Zuk ez?

Goizian, atsaldian, gabian eta goixaldian be danaz “enteratzen” die. Txandaka jardungo ete dabe? Ez dakit zeinen lua gorde nahi daben baiña neri behintzat bildurra emoten doste.

LABUR

Kilometroetarako autobusa antolatu du gaztetxeak

Urriaren 6an, Gipuzkoako ikastolen jai izango da Zumarragan eta Urretxun. Gaztetxeak autobusa antolatu du hara joan nahi duten gazteentzako. 10:30ean irtengo da autobusa, plazatik, eta 22:30ean etorriko da bueltan.

Autobusa hartu nahi dutenek Haizean edo gaztetxean eman dezakete izena, eta horretarako lau euro ordaindu beharko dituzte. Izena emateko azken eguna urriaren 2a da. Arratsaldeko seiak aurretik eman beharko da izena.

Arkupe dantza taldiaren erakustaldixa domekan

O.E.

Kultura batzordiak antolatuta, Amezketako Arkupe dantza taldiaren erakustaldixa izango da domeka eguerdixan. 13:00etan, Euskal Herriko zenbait joko musikatua eta dantza aurkeztuko ditue herriko plazan. Hortan, dantzak ikusteko aukera paregabia eukiko dogu.

ASTEBURUAN, ESKULANEN ERAKUSKETA
Iazko eskulanen kurtsuan egin zeben lanekin erakusketia izango da aste bukaeren kultura etxian. Zapatuan eta domekan, 12:00etatik 14:00etara eta 16:00etatik 18:00etara egongo da zabalik. Bertan, barriztutako altzarixak eta egurrakin eta beirakin landutako lanak ikusteko aukeria eukiko dogu.

Aurtengo eskulan ikastarorako izenemotia be zabalik dago.



Arkupe dantza taldeuekin ekitaldi bikaiña izango dogu plazan.

Urriko lehenengo astian hasiko da ikastarua eta nahi dabenak liburuteigixan emon leike izena. Dagueneko talde bi osatuta dare,

bixak be astelehenetan. Lehenengua atsaldietan, 14:00etatik 16:00etara eta bigarrena gabetan, 20:00etatik 21:30etara.

LABUR

Erretiratuek oroimenaren gaiñeko berbaldixa izango dabe astelehen atsaldian

Datorren martitzenian, urriaren 1ian, oroimenaren gaiñeko berbaldixa izango da Ozkarbi Elkartian. Erretiratuen elkartiak antolatu dau berbaldixa eta elkarteko kide danei bertara juateko gonbidapena egin nahi dotse.

Saioa Lasa izango da hizlarixa. Adiñian aurrera jua ahala oroimenian sortzen diran arazuen gaiñian berba egingo dau.

Kirol Zerbitzuetan eta kiroldegixan Yoga ikastarorako izenemotia zabalik

Aurten be Yoga ikastarua antolatu dabe Kirol Zerbitzuek. Ikastarua urriaren 15ian hasiko dan arren, Kirol Zerbitzuetan eta kiroldegixan zabalik dago izena emoteko epia. Egunak eta orduak izena ematen daben artian erabakiko ditue; seguruenik, martitzen eta eguenetan izango da ikastarua, 19:30etik 21:00etara.

Hiart Bolinaga eta Andoni Elortza bikain irailian parte hartu daben lehiaketetan

Irailian zihar mailla bikaiña emon dabe Elgetako dantzarixak. Hiart Bolinagak eta Andoni Elortzak parte hartu daben hiru lehiaketetan lehenengo postua eskuratu dabe. Hondarribia, Arrate eta Lezoko lehiaketak izan dira elgetarrak irabazi ditzuztenak. Udan lehiaketa ugarittan parte hartu eta gero, hurrengo astietan merezitako deskantsua izango dabe Elgetako dantzarixak.

Berriro ere abade propioa dauka parrokiak

O.E.

Domeka ezker abade berria daukagu herrian. Juan Kruz Juaristi da, zarauztarra jaiotzez, eta 69 urte ditu. Duela 42 urte hasi zen abade lanetan. Lehenengo sei urteak Orion eman ondoren, Ruandan eman ditu azken urteak, iaz bueltatzea erabaki zuen arte. Domekan, lehen meza eman zuen Elgetan, eta herriak ondo hartu duela esan digu. Izan ere, azken urtean Eibarko abadeek izan dute Elgetako parrokiaren ardura eta herriko sinestunek gogoa zeukaten herriak, beti izan duen moduan, abade propioa edukitzeko.

Juan Kruz Juaristik abade bezala izan duen ibilbidea kontatu digu: "Zarauztarra izanda, herritik gertu, Orion, abade izateko aukera izan nuen sei urte-



Juan Kruz Juaristi, Elgetako abade berria.

an. Garai hartan, abade asko zuden Euskal Herrian. Horrek Ruandara joateko ateak zabaldu zizkidan. Afrikako ohituretara

ohitu behar da: bizi izateko modu desberdinak, hizkuntza desberdina... Ruandatik bueltan hemengo bizimodura ohitzen ari naiz."

Afrikatik bueltan, Euskal Herrian kristautasuna beste modu batera bizi dela esan digu: "Afrikan oso jainkozaleak dira, txirotasunak eragiten du horretan. Hemen beste maila baten bizi gara, ekonomikoki aurrertuago. Afrikan urte dezente eman ondoren, mundu honetan zelan kokatu asmatzen ahalegintzen ari naiz".

Elgetara lan egiteko asmoarekin dator Juan Kruz. Herrian katekesia emateko lantaldea osatuta dago, eta Karitasi laguntzen ere badihardute. "Debagoieneko gainerako abadeekin batzarrak egin behar ditugu, parrokia guztien artean ibarrean ditugun arazoei aurre egiteko.



Industrialdia urik barik

Astelehenian etxietako iturrixetako urak presio gutxi zeukala konturatuko ziñeten asko eta asko. Kontua da industrialdeko tutuetan matxuria izan zala. Horrek herriko ur depositua ur barik geratzia eragin zeban. Industrialdera ura eramaten daben tutuetako giltza itxi arte, ura presio barik heltzen zan. Astelehenian bertan konpondu zeben matxuria.

Taberna
Eguneko menua

Asteburuan menu bereziak, ospakizunak eta agur-afariak

Karta enkarguz

Artekale 2, ELGETA. 943 76 82 84

BOLATOKI

ERRETRATUZAHARRA

Madura eta
Infernokua,
nor baino nor

Aste bukaera honetan Labegarairetako areto futbol txapelketaren 17. aldia jarriko da abian. Orduetik hona jokalaria mordo bat igaro dira kiroldegiko txapelketatik eta aurten ere 300 bat lagun arituko dira lehian. Partidu interesgarriak ikusteko aukera izango da.

Alboko argazkia 1990. urteko finalaren ostekoa duzue. Urte hartan Infernokua eta Madura taldeak iritsi ziren finalera, eta Infernokuak eskuratu zuen garaipena. Ohikoa denez, partidua bukatutakoan bi taldeetako jokalariek elkarrekin atera zuten argazkia, jasotako kopa eta guzti.

Madurakoak kamiseta zuriarekin ikus ditzakezue eta Infernokuakoak kamiseta ilunarekin, more kolorekoa. Honako hauek dira agertzen dira argazkian, ezkerretik eskumara:

Zutik: Iñigo Odriozola, Jose Antonio Zornotza, Josu Lazpiur, Jabier Arraigo, Aitor Eraña, Mikel Eraña, Jabi Oregi, Martin Sopolana, Migel Kalboetxeaga eta Juan Mari Vicente.



Makurtuta: Iñaki Azpiazu, Jose Mari Aranburu, Migel Angel Unamuno *Piti*, Juanjo Salamanca, Juan Manuel Ruiz, Joxe Balantzategi, Fernando Elgarresta, Jose Mari De Borja eta Fernando Kalboetxeaga.

Argazkia: Bergara K Eren liburutik.


ADI IRAKURLE!

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

Oxirondoko
azokak zortzi
urte bete ditu

Oxirondoko azoka 1994ko irailaren leian inauguratu zuten. Hortaz, zortzi urte bete berri ditu azokak. Zeresan ugari eman zuen merkatu berriak 1991n hasierako adjudikazioa egin zenetik: eraikinak 300 milioi pezeta inguruko aurrekontua izan zuen eta zabaldu baino lehen tirabirak izan ziren merkatarien eta Udalaren artean, postuen prezioagatik.



≈ 1993

Azokako aurreko aldea aparkalekua egin aurretik. Ondoren, urbanizazio lanak egin zituzten Santa Marina inguruan.



2002

Gaur egun, Oxirondo plazan, Katabian, txukuntze lanak egiten ari dira. Ingurua erabat aldatu da azken urteotan.



Zumelaga

JATETXEA

60 urte zuen zerbitzura!

San Antonio 5. BERGARA. 943 76 20 21

FRONTOI



TABERNA

Fraiskozuri z/g.
BERGARA
943 76 05 09

Jose M. Martin

pinturak - paper pintatuak
sintasola - moketak - gotelea
pintura industrialia

Errekalde auzoa 5, 1.a
ANTZUOLA
Tf. 943 76 62 02 /
666 517 295

izeder

ARTE DEKORATIBOKO
ikastaroak

943 76 71 05.
Arruriaga 2. BERGARA

Kolorez betetako Udazkena eta negua. Zatoz Gantxegira.



GANTXEGI
Telesforo Aranzadi, 2. 943 76 00 79


Galtzetinak · Pantiak · Leotardoak · Pijamak · Emakumeendako eta gizonezkoendako azpiko arropa

ARREGI AROZTEGIA




Sukaldeak
Arozlan mekanikoak
Ateak
Horma-armairuak

Tarimak eta Parketak
Neoprenozko juntadun
egurrezko leihoak
PVCzko leihoak



Tailerra Urteaga, 20. 943 76 11 73 Erakusketa Bidekurutzeta, 38. 943 76 31 03



*Udazkena
eta negua
iritsi dira
Elgeta
Pielera*



Elgeta-Piel

Domingo Iturbe 8
ELGETA
943 76 81 12

**Irailaren 28tik aurrera
zabalik**

**Martitzenetik zapatura:
17:00-20:00.
Domekak:
11:00-13:30.
Astelehenetan itxita.**

